

Islaamni Jirenyaa Guutuun Wal-qabata-Kutaa-3

Description

Kutaa darbe keessatti hariiroo Islaamaa fi siyaasa, Islaamaa fi diinagdee jidduu jiruu fakkeenya muraasa kaasun ilaalle jirra. Harâ€™as itti fufun Islaamaa fi hawaasummaa jidduu hariiroo jiru ni laalla. Kuni hubannoo nuti Islaamaaf qabnu akka balâ€™isu taasisa.

Islaamaa fi Hawaasa

Islaamni nageenaya fi tokkummaa hawaasummaatiif xiyyefanno guddaa kenna. Wanta hawaasa jeequu fi miidhu karaa adda addaatin ittisuuf yaala. Karaalee kanniin keessaa, waan gaariitti ajajuu fi waan badaa irraa dhoowwu, gara tokkummaatti namoota waamu, daangaa darbitoota irratti tarkaanfi barbaachisuu fudhachuu fi kkf dha. Kanaafi, Qurâ€™aana keessatti ni jedha:

مُؤْمِنًا بِحَبْلِ اللَّهِ جَمِيعًا وَلَا تَفَرُّقُواْ وَأَذْكُرُوْا نِعْمَتَ اللَّهِ عَلَيْكُمْ إِذْ كُنْتُمْ
 فَبَيْنَ قُلُوبِكُمْ فَأَصْبَحْتُمْ بِنِعْمَتِهِ إِخْوَانًا وَكُنْتُمْ عَلَى شَفَافَ حُفْرَةٍ مِّنَ
 ذَكْرِكُمْ مِّنْهَا كَذَلِكَ يُبَيِّنُ اللَّهُ لَكُمْ ءَايَاتِهِ لَعَلَّكُمْ تَهَتَّدُونَ ﴿٦٣﴾

Haada Rabbii hunda taâ€™aa qabadhaa, adda addas hin bahinaa (hin facaaâ€™inaa). Yommuu isin diinota walii turtanii qalbii keessan wal simsiisuun qananii Isaatiin obboleeyyan taatan; qarqara boolloo ibiddaa irra turtanii ishii irraa isin baraare, qananii Rabbii isin irra jiru yaadadhaa. Akka qajeeltaniif Rabbiin akka kanatti keeyyattoota Isaa isiniif addeessa.â€ Suuratu Aali-Imraan 3:103

Hundi keessanu Kitaaba Gooftaa keessanii fi qajeelcha Nabiyyi keessanii siritti qabadhaa. Addaan faffacaâ€™utti wanta isin geessu hin hojjatinaa. Qananii guddaa Rabbiin isin qananiise yaadadhaa: Yaa muâ€™mintoota yommuu isin Islaama dura diinota walii turtan, Rabbiin Isa jaallachuu fi Ergamaa Isaa jaallachuu irratti qalbii teessan walitti qabe. Wal-jaallachuu qalbii teessan keessatti darbe. Kanaafu, tola Isaatin obboleeyyan wal jaallattan taatan. Qarqara ibidda jahannam irra turtan. Islaamaan isin qajeelchee ibidda irraa isin baraare. Akkuma mallattoolee iimaanaa sirrii isiniif ibse, akka karaa qajeelaatti qajeeltaniif, hordoftanii fi irraa hin jallanneef wanta fooyyaâ€™iinsi keessan keessa jiru hundas isiniif ifa godha.[\[1\]](#)

وَلْتَكُن مِّنْكُمْ أُمَّةٌ يَدْعُونَ إِلَى الْخَيْرِ وَيَأْمُرُونَ بِالْمَعْرُوفِ وَيَنْهَا
نَعْنَ الْمُنْكَرِ وَأُولَئِكَ هُمُ الْمُفْلِحُونَ ﴿١٤﴾ وَلَا تَكُونُوا كَالَّذِينَ تَفَرَّقُوا
أَخْتَلَفُوا مِنْ بَعْدِ مَا جَاءَهُمُ الْبَيِّنَاتُ وَأُولَئِكَ لَهُمْ عَذَابٌ عَظِيمٌ ﴿١٥﴾

â€œIsin keessaa gareen namootaa gara wanta gaarii taâ€™e hundatti waaman, wanta sirrii taâ€™etti ajajanii fi wanta badaa irraa dhoorgan haa jiraatan. Warri sun isaanumatu milkaâ€™odha. Akka warra ragaaleen ifaa erga isaaniif dhufanii booda addaan facaâ€™anii fi wal dhabanii hin taâ€™innaa. Warra san adabbii guddaatu isaaniif jira.â€ Suuratu Aali-Imraan 3:104-105

Yaa warra amantan! Isin keessaa gareen namootaa (jamaâ€™aan) gara khayrii waaman, maâ€™aruufatti ajajani fi munkara irraa dhoowwan haa jiraatan. Asitti khayrin (wanti gaarii) wanta gara Rabbii oltaâ€™aa nama dhiyeessu fi dallansuu Isaa irraa nama fageessu hundadha. Maâ€™aruuf jechuun bareedaa fi sirrii taâ€™uun isaa sammuu fi shariâ€™aan kan beekkameedha. Kan akka namootaaf tola oolu, haqummaan hojjachuu fi kkf. Munkar jechuun immoo fokkuu taâ€™uun isaa shariâ€™aa fi sammuu kan beekkamedha. Kan akka shirkii, zinaa, hanna, zulmii (cunqursaa fi miidhaa) fi kkf.

Aayah tana keessatti Rabbiin subhaanahu wa taâ€™aalaa Muslimoota keessaa gareen gara karaa Isaatti waamanii fi namoota gara Islaamatti qajeelchan akka jiraatan ajaja. Garee kana keessa, beektonni amanti Islaamaa namoota barsiisan, daaâ€™iwan namoota Islaaman ala jiran gara Islaamaa seenutti waaman, namoota jallatan akka qajeelan waaman, namoonni karaa Rabbii keessatti qabsaaâ€™anii fi kanneen biroo ni seenu.[\[2\]](#)

Itti aanse addaan bittinnaâ€™u fi gargar taâ€™uu irraa ni dhoowwa. Yaa warra amantan! Akka abbooti kitaabaa (yahuudotaa fi kiristaanotaa) diinummaa fi jibbummaan isaan jidduutti uumamuun garee gareen addaan facaâ€™anii fi erga haqni ifa isaaniif taâ€™ee booda hundee amanti isaanii keessatti gargar taâ€™anii hin taâ€™innaa. Warri kuni adabbii guddaatu isaaniif jira[\[3\]](#)

Addaan bittinnaâ€™un, garagar taâ€™uu fi wal dhabuun tokkummaa fi jabeenya hawaasaa dadhabsiisa. Diinotaf karaa bana. Badii fi jeequmsi akka baayâ€™atuu fi gaarummaan akka xiqlaatu taasisa. Islaamni kana hanbisuuf gara tokkummaatti waama. Garuu, â€œTokkummaa hawaasaaâ€ yommuu jedhamu, â€œnamoota amanti biroo hordofan waliin tokkoomu qabnaâ€ jechuudhaa? Kuni tuqaa baayâ€™ee barbaachisaa qorannoo fi ibsa balâ€™aa barbaadudha. Ammaf mata-dureen kuni balâ€™aa waan taâ€™eef itti hin seennu. In sha Allaah yoo ajalli hin dhufin, mata duree al-walaaâ€™u walbaraaâ€™u jedhamu jalatti ilaalun keenya hin oolu.

Ammas, Islaamni nageenya hawaasatiif xiyyefannoo kenna. Wantoota nageenya hawaasaa booreessan keessaa tokko oduu sobaa ykn oduu dhokfamu qabuu ummata keessa facaasudha. Qurâ€™aana keessatti warra oduu nageenya hawaasaatiin wal qabatu facaasan ilaachise akkana jedha:

﴿وَإِذَا جَاءَهُمْ أَمْرٌ مِّنْ أَلْأَمْنِ أَوِ الْخُوفِ أَذَاعُوا بِهِ وَلَوْ رَدُّوهُ إِلَى الرَّسُولِ وَإِلَى أُولَئِكَ الْأَمْرِ مِنْهُمْ لَعِلَّهُمْ يَسْتَنِطُونَهُ وَمِنْهُمْ وَلَوْلَا فَضْلُ اللَّهِ عَلَيْكُمْ وَرَحْمَتُهُ وَلَا تَبْغُونَ إِلَّا قَلِيلًا﴾ ٨٣

Yeroo tasgabbii yookiin sodaa irraa dhimmi wayii isaanitti dhufe, [namoota keessa] tamsasu. Osoo gara Ergamaa yookiin isaan keessaa abbooti dhimmaa (taaytaatti) deebisanii, silaa kanneen isa irraa xumura sirrii baasan ni beeku turan. Osoo tolti Rabbii fi rahmanni Isaa isin irra jiraachu baate, muraasa malee sila sheyxaana hordoftanii turtan. ۴:۸۳ Suuratu An-Nisaa 4:83

Yeroo oduun tasgabbii yookiin sodaan wal-qabatu namoota iimaanni qalbiisaanii keessatti hidda hin qabannetti dhufe, oduu kana namoota keessa ni raabsu. Fakkeenyaaaf, yeroo lolaa Muslimoonni yoo moo^{â€¢}mataman ykn miidhaman, namoonni iimaanni isaanii dadhabaa taâ€¢ee fi jarjaran, oduu kana ni tamsasu. Ergasii hawaasa keessatti sodaa fi jeequmsi ni uumama.

Osoo namoonni jarjaran kunniin tamsaasun dura oduu dhagayan gara Ergamaa Rabbiitti (SAW) yookiin gara beektotaa fi abboota taaytaatti deebisanii, silaa warroonni xinxallanii fi qoratan, dhugaa oduu sanii ni beeku turan. Erga beekanii booda xumura oduu kanaa ilaalanii fooyyaâ€¢iinsi keessa yoo jiraate ni labsu. Taâ€¢uu baannan ni dhoksu. Osoo Rabbiin tola isin irratti ooluu fi rahmata isiniif gochuu baate, isin keessaa namoota muraasa malee sheyxaana hordoftanii turtan.

Kana keessa qajeelfama buâ€¢uura naamusaatu jira. Innis, dhimmoota keessaa dhimma tokko qorachuun barbaachisaa yoo taâ€¢e, namni kanaaf malu akka hojjatuu gochuudha. Namoonni dandeetti qaban ni hojjatu, isaan dursuun hin barbaachisu. Sababni isaas, namoonni dandeetti qaban dhimma san yoo qoratanii fi hojjatan, xumurri isaa gara sirriitti dhiyoo taâ€¢a, dogongora irraa ni fagaata.

Ammas kana keessa, dhimma ykn oduu tokko akkuma dhagayaniin tamsasu irraa dhoowwutu jira.^[4] Namni oduu tokko yommuu dhagahu raabsun dura, oduu kana keessa fooyyaâ€¢iinsi ni jiraa? Miidhaan oduu kana raabsun dhufu maalidha? Jedhee itti yaadu fi xinxalluu qaba. Keessumayyu, oduu maatii fi hawaasan wal qabate akkuma argan tamsaasun balaa guddaa fida. Osoo namoonni soshaal midiyaa fi karaalee biroo fayyadamuun oduu akkuma argan hafarsanii namoota irratti miidha fidan, aayah tana beekanii hojii irra oolchanii maal qabaa!

Kitaabban wabii:

- [\[1\] Tafsiiru Muyassar-63](#)
- [\[2\] Tafsiiru Saâ€¢dii-149](#)
- [\[3\] Tafsiiru Muyassar-63](#)
- [\[4\] Tafsiiru Muyassar-fuula 91, Tafsiiru Saâ€¢dii-205](#)

Date Created

January 30, 2020

Author

admin